



Republika e Kosovës
Republika Kosova - Republic of Kosovo



Komuna e Prishtinës
Opština Priština - Municipality of Prishtina

Në bazë të nenit 5, par. 1, pika **b**, nenit 12.2, pika **d**, nenit 14.2 dhe të nenit 17 të Ligjit për vetëqeverisjen lokale nr. 03/L-040 dhe të nenit 16 të Statutit të Komunës së Prishtinës, Kuvendi i Komunës së Prishtinës, në mbledhjen e mbajtur më 29.10.2008, merr

V E N D I M
PËR DHËNIEN ME QIRA TË TOKËS NË PRONËSI KOMUNALE
AGJENCIONIT KOSOVAR TË PRIVATIZIMIT

Neni 1

Miratohet Vendimi për dhënie me qira të tokës në pronësi komunale Agjencionit Kosovar të Privatizimit.

Neni 2

Toka e dhënë me qira, nga neni 1 i këtij Vendimi, është e evidencuar në fletën poseduese nr. 4137, ngastra kadastrore nr. 4878, Zona Kadastrore e Prishtinës, sipërfaqja prej 86,45 arë, në pronësinë e Komunës së Prishtinës.

Neni 3

Dhënia e tokës me qira, sipas këtij Vendimi, bëhet për periudhën njëvjeçare.

Afati i përcaktuar në paragrafin 1 të këtij neni, mund të shkurtohet edhe pa përfunduar periudha njëvjeçare, nëse kjo tokë i nevojitet Komunës për realizim të ndonjë programi komunal të interesit të përgjithshëm, por me paralajmërim për ndërprerje të qirasë 30 ditë më herët.

Neni 4

Shuma mujore e qirasë për dhënie e tokës, sipas këtij Vendimi, është 5.000 €.

Neni 5

Të drejtat, kushtet dhe obligimet që rrjedhin nga shfrytëzimi i tokës së dhënë me qira, sipas këtij Vendimi, do të rregullohen me kontratë të veçantë, në mes të Komunës dhe qiramarrësit-Agjencionit Kosovar të Privatizimit.

Neni 6

Për zbatim të këtij Vendimi do të kujdeset Drejtoria e Pronës e Komunës së Prishtinës.

Neni 7

Ky Vendim hyn në fuqi ditën e miratimit të tij nga Kuvendi i Komunës së Prishtinës.

Me hyrjen në fuqi të këtij Vendimi, shfuqizohet Vendimi i Kuvendit të Komunës së Prishtinës nr. 01-46-590, dt. 27.12.2006, për dhënie e tokës me qira Shtyllës IV të UNMIK-ut për nevojat e AKM-së, si dhe ndërpriten të gjitha obligimet tjera nga kontrata me këtë ish-qiramarrës.

KUVENDI I KOMUNËS SË PRISHTINËS
01. Nr. 46-1608, më 29.10.2008

KRYETARI I KOMUNËS
Prof. Dr. Isa Mustafa